



Qeveria e Republikës së Maqedonisë së Veriut
- KRYEMINISTRI -

I nderuar zëvendëskryeministër Nikollovski,

Në zgjedhjet parlamentare që janë mbajtur më 15 korrik të vitit 2020, qytetarët e Republikës së Maqedonisë së Veriut zgjedhën që të vazhdojmë ta dërgojmë shtetin përpara. Vota e qytetarëve për koalicionin që ka formuar Qeverinë e re me mandat prej vitit 2020 deri në vitin 2024 është investimi i tyre vetanak në kërkim të jetës më të mirë për vete, për familjet dhe bashkësinë e tyre. Vota e secilit qytetar është votë për mbrojtje nga KOVID-19 dhe për menaxhim të suksesshëm me krizën ekonomike-shëndetësore, votë për ekonominë e re vendore, për vende të reja të punës të paguara mirë, për shtet të së drejtës, për mjedis jetësor të pastër dhe të shëndetshëm, për infrastrukturë funksionale, për lidhje efektive brenda vendit dhe me botën, për kulturë të fuqishme nacionale sipas modelit evropian dhe arsim që i përgatit gjeneratat e reja për të tashmen dhe një të ardhme më të mirë.

Në kuptimin burimor të fjalës “ministër“ gjendet shërbimi, kujdesi dhe ndihma për qytetarët. Ju, si ministër, duhet ta kuptoni votën e qytetarit si drejtim i precizuar që vjen nga niveli më i lartë nga i cili nuk ka asnjë devijim. Duhet t’u shërbeni të gjithë qytetarëve, pa dallim të përkatësisë së tyre etnike, partiake, orientimit të tyre seksual, identitetit gjinor, racor, ngjyrës së lëkurës, prejardhjes, përkatësisë në grupe të marginalizuara, gjuhës, statusit social, shkollimit, religjionit, bindjet politike, bindjet tjera, aftësive të kufizuara, moshës, statusit familjar apo martesor, statusit pronësor, gjendjes shëndetësore, statusit personal dhe statusit shoqëror. Pres që për kryerjen e detyrave tuaja dhe në realizimin e Programit për punë të Qeverisë për vitet 2020-2024, do të angazhoheni pa hezitim dhe me profesionalizëm. Kemi detyrim të shenjtë dhe thelbësor që agjendën për të cilën obligohemi para qytetarëve ta realizojmë duke investuar përpjekjet tona maksimale, përmes realizimit efektiv për arritje të rezultateve më të mira të mundshme. Kjo mënyrë nuk njeh kompromise, justifikime dhe përfshin ekspozim të vazhdueshëm para opinionit publik ku do t’i vëmë në dispozicion të gjithë mekanizmat për të ndjekur punën tonë.

Ju jeni pjesë e Qeverisë e cila hapur e prezanton punën e saj dhe është e hapur për secilin qytetar të Republikës së Maqedonisë së Veriut. Unë, si Kryetar i Qeverisë do ta avancoj strukturën e kabinetit tim me qëllim që të jem Kryeministër më i hapur dhe të siguroj komunikim të dyanshëm me të gjithë qytetarët dhe bashkësitë të cilëve ju duhet ndihmë nga unë dhe shërbimet e mia, por edhe të kem mundësi që t’i pranoj dhe t’i kuptoj të gjitha idetë dhe iniciativat që vijnë nga opinioni publik.

Ju obligoj edhe juve për komunikim të rregullt dhe të hapur me të gjithë qytetarët dhe palët e interesit në shoqëri duke avancuar kanalet për përgjegjshmëri, gjithëpërfshirje dhe pjesëmarrje.

Puna e juaj çdo ditë do të ndiqet dhe matet. Nëse jeni të përkushtuar, të ndershëm dhe të përgjegjshëm do të keni rezultate të shkëlqyeshme dhe do të vazhdoni të punoni edhe më mirë për më shumë rezultate. Në të kundërtën, do të zëvendësoheni me kuadër tjetër i cili është i gatshëm të jep angazhim më të mirë dhe më të sinqertë se sa Ju. Vetëm kështu është e drejtë dhe e ndershme para

Letër mandati për zëvendëskryeministrin e Qeverisë të ngarkuar për luftë kundër krimit dhe korrupsionit, për zhvillim të qëndrueshëm dhe burime njerëzore

3 shtator 2020



Qeveria e Republikës së Maqedonisë së Veriut
- KRYEMINISTRI -

fjalës që ua kemi dhënë qytetarëve. Për atë, konkluzionet e para nga puna juaj do t'i sjell pas përfundimit të 100 ditëve të para të mandatit, gjegjësisht në përfundim të vitit 2020, pas të cilit janë të mundshme ndryshime kadrovike. Analizën metodologjike të realizimit të detyrave dhe punës suaj të përgjithshme do ta bëjmë çdo fundvit.

Duke ju nominuar juve për ministër në Kuvendin e Republikës së Maqedonisë së Veriut, isha i bindur se mund të llogaris në përgjegjësinë dhe përkushtimin tuaj të plotë në kryerjen e detyrave. Pikërisht për këtë, pres rezultate të menjëhershme. Qytetarët kanë pritje, ndërsa Ju jeni në pozicion që të bëni gjithçka që është e nevojshme që Qeveria të realizojë pritjet e qytetarëve.

Korrupsioni dhe keqpërdorimet politike janë armiqtë më të mëdhenj të qytetarëve, institucioneve dhe politikanëve të ndershëm. E dëmtojnë buxhetin, e dëmtojnë shtetin e së drejtës, i dobësojnë institucionet dhe e rrezikojnë demokracinë, duke krijuar mosbesim mes qytetarëve. Drejtësia, barazia dhe liria janë viktimat e para të keqpërdorimeve politike dhe korrupsionit. Qeveria do të luftojë përmes transparencës së detyrueshme dhe të fuqishme, mbrojtjen e lirisë së mediave, mbështetjes institucionale të Komisionit Shtetëror për Parandalimin e Korrupsionit të fuqishëm dhe të pavarur për parandalim të korrupsionit dhe zero tolerancë gjatë keqpërdorimeve të zbuluara. Qëllimi është të ndërtojmë sistem që pengon keqpërdorimin dhe lokalizon qartë përgjegjësinë. Ne do të forcojmë institucionet dhe do të zvogëlojmë të drejtat diskrecionale dhe fuqinë e politikanëve dhe bartësve të autoriteteve publike.

Qytetarët janë të ndjeshëm veçanërisht nga keqpërdorimet nga ana e bartësve të institucioneve publike dhe mu për këtë kjo Qeveri në përbërjen e saj ka edhe zëvendëskryeministër që do të jetë i angazhuar në luftën kundër krimit dhe korrupsionit. Askush nuk guxon të jetë mbi ligjin, ndërsa bartësit e funksioneve publike me punën dhe sjelljen e tyre duhet ta dëshmojnë atë.

Gjithashtu, duhet ti bindim qytetarët se personat e zgjedhur dhe të emëruar nga ana e Qeverisë janë personat e duhur në vendin e duhur. Procedurat për emërim dhe shkarkim duhet të bëhen edhe më transparente dhe të mbështeten ekskluzivisht në parimet e meritës.

Prandaj, në këtë mandat, prej Ju si zëvendëskryeministër i ri i Qeverisë i ngarkuar në luftën kundër krimit dhe korrupsionit, zhvillim të qëndrueshëm dhe burime njerëzore pres:

- Që në mënyrë aktive të kyçeni dhe të mbikëqyrni përgatitjet e ndryshimeve të Kodit penal me të cilat do të ashpërsohet politika për dënim për veprat penale që kanë të bëjnë me bartësit e funksioneve publike:

Letër mandati për zëvendëskryeministrin e Qeverisë të ngarkuar për luftë kundër krimit dhe korrupsionit, për zhvillim të qëndrueshëm dhe burime njerëzore

3 shtator 2020



Qeveria e Republikës së Maqedonisë së Veriut
- KRYEMINISTRI -

- Të bashkëpunoni me institucionet kompetente dhe ta mbikëqyrni gatishmërinë e sistemit për kontrollimin e origjinës së parave dhe kapitalit të secili zyrtar i mëparshëm dhe aktual, duke pasur parasysh praktikën më të mirë evropiane;
- Së bashku me Qeverinë të punoni në përgatitjen dhe sjelljen e sistemit për ndjekje elektronike të lëndëve që rrjedhin nga ankesat për korrupsion;
- Në mënyrë aktive të kyçeni dhe të bashkëpunoni me Ministrinë për Shoqëri Informatike dhe Administratë në përgatitjen e një Strategjie të re për të dhëna të hapura, që do të vendos qëllime më të qarta dhe më të larta për transparencën e të gjitha institucioneve dhe për njerëzit e tyre të parë:
 - Të ndiqni realizimin e qëllimeve nga Strategjia me fokus të veçantë në kuadrot udhëheqëse (ministra dhe drejtorë) dhe në vazhdimësi t'i nxisni që t'i respektojnë dhe t'i zbatojnë të njëjtat.
- Të inicioni dhe të koordinoni përgatitjen e ndryshimeve në rregulloren në të cilën do të jepet obligim ligjor që të publikohen të gjitha shpenzimet e zyrtarëve në nivel nacional dhe lokal. Askush nuk ka të drejtë të fsheh se për çka shpenzohen paratë e qytetarëve;
- Pasi që Qeveria në afat sa më të shkurtër deri te Kuvendi përsëri ta dorëzojë Ligjin për shërbim të lartë të menaxhimit, në mënyrë aktive dhe të vazhdueshme ta udhëhiqni dhe ta mbikëqyrni zbatimin e tij, me qëllim që të siguroni që në pushtetin ekzekutiv të jenë zyrtarët më të mirë dhe më kompetent;
- Të bashkëpunoni me Këshillin Inspektues në procesin për reformimin e sistemit inspektues dhe mbikëqyrjes inspektuese. Në mënyrë aktive të ndiqni zbatimin e reformave dhe t'u tregohet institucioneve kompetente në rast të mosrespektimit të rregullores;
- Në vazhdimësi ta ndiqni përdorimin e platformës “e-inspektor” pasi që e njëjta do të sillet, me qëllim që të siguroheni se eliminohet diskrecioni dhe subjektivizmi në kryerjen e mbikëqyrjes inspektuese;
- Të formoni ekip të posaçëm për shpërndarjen e rezultateve (Delivery Unit);
- Të zbatoni edhe aktivitete të tjera në përputhje me angazhimet dhe Programin e Qeverisë së Republikës së Maqedonisë së Veriut për vitin 2020-2024.

Njëkohësisht, si zëvendëskryeministër i Qeverisë i ngarkuar për luftën kundër krimit dhe korrupsionit, për zhvillim të qëndrueshëm dhe burimeve njerëzore, nga Ju pres:

- Të jeni gardiani i parë i Kushtetutës dhe ligjeve dhe të siguroni që Kabineti Juaj të përmbush të gjitha detyrimet ligjore, që të gjithë bartësit e funksioneve publike dhe zyrtarët që punojnë nën juridiksionin tuaj të jenë njësoj të përgjegjshëm ndaj ligjit dhe Kushtetutës dhe se Kushtetuta dhe ligjet do të zbatohen njëjtë për të gjithë;
- Të jeni shembull i qeverisjes së mirë dhe të siguroni që zyrtarët publik dhe zyrtarët që punojnë nën juridiksionin tuaj t'u përmbahen standardeve më të larta të qeverisjes së përgjegjshme dhe etike;

Letër mandati për zëvendëskryeministrin e Qeverisë të ngarkuar për luftë kundër krimit dhe korrupsionit, për zhvillim të qëndrueshëm dhe burime njerëzore

3 shtator 2020



Qeveria e Republikës së Maqedonisë së Veriut
- KRYEMINISTRI -

- T'i mbikëqyrni anëtarët dhe zyrtarët tjerë të Qeverisë që të siguroheni që në mënyrë të drejtë, efikase dhe efektive të zgjidh çështjet dhe procedurat e qytetarëve dhe personave juridik, duke justifikuar dhe fituar besimin e qytetarëve dhe të opinionit publik;
- Të vazhdoni zbatimin dhe përmirësimin e politikave të transparencës dhe llogaridhënies;
- Të jeni i hapur dhe gjithëpërfshirës ndaj qytetarëve, publikut profesional, shoqërisë civile dhe opozitës në krijimin dhe zbatimin e politikave publike në mënyrë që të siguroni politika cilësore të bazuara në prova dhe konsensus të shoqërisë;
- Të siguroni që burimet shtetërore të mos përdoren për qëllime partiake dhe zgjedhore dhe që zyrtarët administrativ dhe punonjësit e sektorit publik të mos jenë subjekt i ndikimit partiak;
- Të promovoni barazinë gjinore dhe përfaqësimin e drejtë dhe të keni parasysh karakterin multietnik të vendit.

Bashkëpunoni me të gjithë punonjësit dhe përdorni të gjitha potencialet e administratës publike. Në të gjitha veprimet tuaja, të jeni shembull për ata me të cilët punoni dhe për qytetarët për të cilët punoni. Respektoni Kodin etik për anëtarët e Qeverisë dhe mbajtësit e funksioneve publike të emëruar nga Qeveria dhe promovoni vlerat etike. Në fund të mandatit tonë në vitin 2024, si rezultat i ndryshimeve pozitive që ne do të bëjmë, Maqedonia e Veriut të jetë vend ku qytetarët duan të jetojnë dhe të kontribuojnë në përmirësimin e saj të vazhdueshëm. Qytetarët e presin këtë nga ne.

Ju uroj fat, shëndet dhe mandat të suksesshëm.

Sinqerisht i juaji,
Zoran ZAEV

Zëvendëskryeministër i Qeverisë së Republikës së Maqedonisë së Veriut i ngarkuar për luftë kundër krimit dhe korrupsionit, për zhvillim të qëndrueshëm dhe burime njerëzore
Ljupço NIKOLLOVSKI

Letër mandati për zëvendëskryeministrin e Qeverisë të ngarkuar për luftë kundër krimit dhe korrupsionit, për zhvillim të qëndrueshëm dhe burime njerëzore
3 shtator 2020